

خدت درس !!..

بعدي عنهم كان غنيمه

بس عادى جت سليمه

اللى قلت ف يوم ملايكه

طلعوا مرضى وناس لنيمه



الوفا ودفعت تمنه

صعب حد ف يوم تأمنه

تبقا ساذج زيي فعلا

لو فلان هتقولى ضامنه

اللى يوفى ده عملة نادره

ف الزمان ده وعلى فكره

اللى زى قلبى خلصوا

نقصوا واحد وأنا ادرى ..

خدت حذرى وقلبى حرص

من قلوب كدة بالتخصص

الاذية بتحترمها

صعب تانى ابقا مخلص

صعب يسكت ليا حس

دوقت جرح وخذت درس

والنتائج لو عالمها

كنت عيشت لروحي بس !!..

